

M240B: Wernher von Elmendorf, Fragm. B

0,87 [...] noh durch leide
0,88 ere unde frûme nimir ne scheide
0,89 waz soldin si sundir
0,90 ir ne wedir ne doch ane daz andir
0,91 Tullius sprichet uon deme rat geb[*in*]
0,92 er sule selue wisliche leuin
0,93 vnd sûle an allin sachin uore sehin
0,94 waz dar nach muge geschien
0,95 waz ze beidin handin muge kûmin
0,96 beide ze scaden vnd ze *frûmen*
0,97 *daz er* dar na nicht ne durue sagin
0,98 also man den scaden beginnit clagin
0,99 daz er des lutzel dechte
0,100 daz iz also kumin mochte
0,101 er schamit sich ouch ze spate
0,102 nach deme schedelichin rate
0,103 Dan aue sprichit alsus
0,104 der wise man *boetius*
0,105 “[*iz*] [*ne*] *kumit* nicht zû der wisheide
0,106 daz man sich darna bereide
0,107 daz nu gescaffin ist
0,108 man sal daz ende prûuin mit rehtir list”
0,109 Valschir urunde der ist uile
0,110 dar uore hûte dich ze alleme spile
0,111 wande suchistu ûren rat
0,112 umbe eine schediliche dat
0,113 si ne willint dinin zorn also nit erarnen
0,114 daz sie dich dinis schaden gewarnin
0,115 an din wort willint sie iehen
0,116 dar an macht dû ûre bosheit wole gesien
0,117 sie ulizint sich al geliche
0,118 wilichir dich allir sûzlichest beswiche
0,119 diz ist al deme uirretnisse uil na
0,120 des warnit dich Seneca
0,121 Nv merke ovch damite
0,122 der getruwen rat geuin site
0,123 swer dir vaste zû sprichit
0,124 vnd mit scarfin wordin stichit

0,125 vnd diner dumpheit berũphit
0,126 daz ist der diner erin gerochit
0,127 Der ist uile de sich getrũwe sagint
0,128 vnd des an deme herzin nie ne tragint
0,129 der ne kan ich sunder nicht genennin
0,130 hir an salt tu sie bekennen
0,131 sie drangint sich an dinen rat
0,132 vnd louint alle dine dat
0,133 sie kunnin sich also ulien
0,134 also sie undir dinin uũzin willen lien
0,135 An di listi hant sie sich geulizin
0,136 dine geswasheit willint sie wizzin
0,137 da mide beginnit sie sich dwingen
0,138 so mũst du al ũre liet singin
0,139 He ist wis der die zungin midit
0,140 die uor saluit und nach snidit
0,141 uile sũze ist ũre gekose
0,142 daz ende wirt dikke bose
0,143 Manich ist der sich nie ne versinnet
0,144 also man in louin beginnit
0,145 vnd denkit an sineme gemũde
0,146 iz kume uon sinir gũde
0,147 vnd uon sinir uromicheite
0,148 vnd kumit is ze grozir arbeite
0,149 des mugint ir ein bispil horin
0,150 de rege Medorum
0,151 daz quit uon deme kuninge uon Medint riche
0,152 daz bispel warnit unsich geliche
0,153 Perses was der kuning genant;
0,154 er inbot sin uolcwich in daz Krich lant
0,155 wan [in] [des] [beduchte]
0,356 [...] [dime] [richtu]me
0,357 uirermistu dich mit gifte
0,358 dar na uolgit lihte
0,359 daz dir ubele mach gezemin
0,360 so mostũ danne einime nemin
0,361 daz tu den anderin hast ze gebene
0,362 daz gezemit vbile gũtis mannis lebene
0,363 vnd ginen den tu minnis
0,364 mit teme gũde daz tu sus gewinnis
0,365 er nist din urunt nicht uile destе baz
0,366 uon deme anderin hastu stedin haz
0,367 deme du sin gũt hast genũmen
0,368 des wesselis machtu gerne abe kumin
0,369 Noch sal ich dich lerin
0,370 destu bedarft ze dinin erin
0,371 also sizz[e] din gemũde
0,372 dũstũ imanne dicheine gũte

0,373 destu nie ne genūzis
0,374 sich daz du iz ime nit ne uirwizis
0,375 du weris ouch uile unuersunnin
0,376 so du urunt mit diner kost hetis gewunnin
0,377 daz du si uirloris mit dinere zungin
0,378 diz widir radin ich aldin unde iungin
0,379 Noch sal ich dich lerin
0,380 destu bedarft zu dinin erin
0,381 beginnit dir iman sine not clagin
0,382 deme ne salt tū mit argen listen nit uersagin
0,383 necheine bedē
0,384 also der kunink Antigonis tede
0,385 do in eine durchtige einis pundis bat
0,386 er sprach so groz ne were ime nit gegat
0,387 do bat er einis cleinin dingis
0,388 einis einigin penningis
0,389 “des mochtich mich” sprach er “schamin
0,390 minis kunincligen namen
0,391 daz ich geue also kleine”
0,392 sus ne teder siner bedē necheine
0,393 daz weiz got der riche
0,394 er uirsagete ime bosliche
0,395 ob er iz gemerkin kōnde
0,396 er ne geue ime nit ze uile an einin punde
0,397 durch sine kuninlichin ere
0,398 noch ouch des ne luzil ne were
0,399 daz ir ime einin pinninc tede
0,400 so in ein durchtige bedē
0,401 Michil baz dede ein andir
0,402 der kuninc Alexander
0,403 do in ein armir genadin bat
0,404 er gab ime eine wole gebuwete stat
0,405 des ginc den armin angest ane
0,406 er ne was der almōsin nit gewane
0,407 er was ein mennische arm und bloz
0,408 er sprach “mir negecimet nechein gabe so groz”
0,409 do sprach der kuninc riche
0,410 “ine rūche waz dir geliche
0,411 waz achtich uffē dinin krangin lebin
0,412 ich weiz wol waz mir gezimet ce gebin”
0,413 Noch sal ich dich lerin
0,414 des du bedarft zu dinin erin
0,415 daz saltu kunnin begadin
0,416 wedir dine habe ze merin stadin
0,417 keris an des armin gude
0,418 odir an des richen obirmūde
0,419 der riche wil dir liebe han getan
0,420 daz er dine gabe [wil] [inphan]